



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt V. Quid Lutherus egerit post literas & theses ad Septemuirum
Moguntinum missas.

urn:nbn:de:hbz:466:1-11642

1517.

dis Indulgentiis iniuncta, cùm sint opera pietatis, utrumque simile
emolumentum conferre, cùm à recte mentis radice gignuntur.

Affirmat, responderi vix posse, cur, si potest Pontifex impetriri,
defunctis inexhausta Redemptoris merita, Purgatorium vniuersum
uno verbo non exhauiat. Obiectum enim uero tam validum,
quàm quicunque non hebes agnosceret. Quasi verò hoc ipso, quod
Deus instituit Purgatorium, non satis liqueat, nolle Deum illud
vacuum; & perinde ac si Romanus Pontifex prædicaretur à Ca-
tholicis tamquam dominus, non tamquam administrator diuini
ærarij; adeoque in largiendis Indulgentiis ut possit liberalitate
extra omnem causam rationi consentaneam. Simile id foret ac
percontari: Si Princeps pœnas merentibus indulgere potest, cur
custodias vincit, & triremes compeditis non exhauiat.

Quiritater, si ad æris vnius campani sonitum promulgantur In-
dulgentiae, centum profecto pulsanda essent, cùm recitur Euangeli-
um, quippe citra omnem comparationem sanctius. At verò cui
non est exploratum, actionum solemnitatem non tam esse dime-
tiendam dignitate rei qua sit, quàm raritate? Quidquid enim fre-
quentius est, maximè solemnne esse nequit sine tædio & incommo-
do intolerabili. Quis est regnantium, qui saepè incedens per vi-
bem, tantum sibi concursus pompaque postulet, quantum fieri so-
let, cùm alij minores magistratus procedunt in publicum celebri-
ribus quibusdam diebus? Ex hoc Lutheri præscripto omnes qui-
dem Principes meritò essent obiurgandi, quod maiori solemnita-
te, quàm prædicetur Euangelium per dies singulos in quotis tem-
plo, leges humanae in regis conuentibus promulgantur.

C A P V T V.

*Quid Lutherus egerit post literas et theses ad Septemuirum
Moguntinum missas.*

Has Conclusiones proposuit ipso Sanctorum omnium perui-
gilio in templo magnifico, ipsorum nomini dicato in mo-
dum propugnaculi in arce Wirtembergensi ab eodem Saxoniæ Se-
ptemuiro. Et quod pluribus in locis uno tempore suscitaretur incen-
dium, ac difficiliter comprimi posset, eas imprimendas, & per om-
nem Germaniam dispergendas curauit. Sed gñarus, disputationes
scholasticas, ut quæ intellectu difficiles, non frequentari à multi-
tudine (quæ tamen potissimum maximeque necessarium ciendis
turbis instrumentum est) haud certe deficit ad populares artes con-
fugere, hoc est ad conciones. Hinc vnam habuit solemnem in tem-
plo

9
10
plo memorato super eodem argumento; eamdemque simul habuit per vniuersam Germaniam typorum facundiā.

1517.

- 2 Proponebat Lutherus recensitas sententias, uti mos est noua molientibus, per simulatam moderationem à vero metu profectam. Aiebat, idcirco se nihil affirmatè pronuntiare, sed solum dubitantis modo; atque omnino Ecclesie iudicio se submittere. Et sanè credibile est, id quod ipse scribit in præfatione primi voluminis, eum non concepisse initio spiritus sic elatos, cuiusmodi postea ab euentus prosperitate in illo sunt excitati, atque eos turbines casu commotos. Ex quo palam est, eum cœli interpretem non fuisse, ut Prophetæ ac Diuinus Redemptor, qui nos veram legem edocuere. Hi etenim ab eo Spiritu confirmati à quo mittebantur, electo populo prædixerunt per promissa, quæ id temporis pro corum statu humanæ ratiocinationi temeraria videbantur, ingentia illa incrementa, quæ postmodum euenerent. Neque umquam trepidè verbum locuti: quin Christus asseueranter dixit, Cælum ac terram transiatura, numquam verò suorum verborum tenorem.

3 Præterea Lutherus, ubi priùs in thesibus quos diximus Concionatores incusabat, quod acrius compellerent homines ad diluendam per Indulgencias pœnam finiti temporis, quam ad charitatem augendam per opera præmium merentia; paulò post, esse meritum negavit, illiusque boni operis emolumentum; imò affirmavit, in omni opere lethalem culpam inesse.

4 De Pontifice disterebat ille quidem alicubi cum quadam submissione, quod eum sopiret, ac libi gratiam conciliaret ostentatione modestiæ: alibi verò cum despectu, quod illius venerationem minueret, à quo se condemnatum iri præuidebat.

C A P V T VI.

Oppositiones contra Lutheri doctrinam, priùs habita à primatis, mox à Cæsare & Pontifice.

- 1 **A**Duersus Lutheri Conclusiones exposuit alias Tetzelius Franciscus, ubi Quæsitorem Fidei agebat, quibus probi Theologi partes explevit, cum breuissimè & intra thesum limites Lutheri fallacias detexerit, & Romanum Pontificem atque Concionatores aduersa opinionem purgauerit, qualēm ipsis conflabant vafræ astutæque verborum formulæ, quibus Lutherana scripta texebantur. Verumtamen hæ theses, quod obiectabantur ab æmulo, quodammodo antiperistastim imitatæ sunt, ad obfirmandam in sententia

C 3

Lutheri

1518.